

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

VI. Refelluntur argumenta Adversariorum. Primum argumentum.

urn:nbn:de:hbz:466:1-16260

sine virili congressu in lucem editus est. Non abs re erit priscam huc afferre historiam, quam ex traditione ad sua tempora propagatam narrant Origenes & Basilius. Fuisse tradunt in Templo locum, quo solis virginibus pateret aditus, exclusis reliquis quae thorum virilem fuisse experte, illuc ingressa Maria Virgo jam Iesum enixa cum arceretur, atque ad mulieres ablegaretur, intercessisse Zachariam, quominus illa loci dignitatem amitteret; qua re offensos Judaeos Zachariam interfecisse, vel quod in Templo inter virgines mulierem contra ius fasque consistere pateretur, vel quod feminam jam filio auctam, virginem haberi veller. Traditioni huic tantum tribuet fidei unusquisque, quantum volet; eam certe à gravissimis Auctoribus memoriae proditam pratermittere piguit. Longe etiam minor est apud me traditionis alterius auctoritas, quam refert Suidas, è vetustis, ut ipse ait, Judaeorum commentariis Tiberiade servatis exceptam; Iesum nempe Dominum in Sacerdotum numerum fuisse cooptatum aliquando; cumque ipsius, patris item ac matris nomina in codicem de more essent referenda, matrem ad ea ex ore ipsius cognoscenda accitam, suum quidem ac Filii dedisse nomen, patrem vero Deum ipsum indicaſte, quippe quæ Filium illibata virginitate, Spiritus sancti afflatus peperisset; & integratim demum ipsius testibus idoneis, accuratoque examine comprobata, non alium patrem quam Deum vivum codici fuisse adscriptum. Hac temere admitti nolumus, narrante praesertim Suida, levissimo scriptore: nam Iesus Juda prognatus inter Sacerdotes, qui Levitici generis erant, admitti haudquaque potuit. Respondet quidam apud Suidam, mistum fuisse genus Josephi patris Iesu: sed frustra, atque quippe Paulus ea tribu oriundum esse Christum Iesum, de qua nullus altari preſto fuit: manifestum esse enim quod ex Iuda ortus sit Ebr. 7. 13, 14. Dominus noster: in qua tribu nihil de Sacerdotibus Moses locutus est. Adde per Leviticas matres in tribum Juda infertas, non eam fieri mistionem generis, ut quis inde procreatus posset Levita censi. Scitum est enim Ebraici juris, in Thalmude sæpe traditum, familiam maternam, neque appellari familiam, neque esse, & deficiente mascula prole, superstitibus licet filiabus, genus interire.

VII. At futile est quod objicitur ex his verbis Epistolæ ad Galatas: *Misit Deus Refelluntur filium suum factum ex muliere: θρόνῳ ἐν γυναικός*. Quasi Paulus postremam hanc dictionem eo sensu adhibuerit, quo Virginis opponitur: quemadmodum & in priore ad Corinthios palam adhibuit dicens: *μητέρας ἐν γυνὶ οὐ οὐρανῷ*. At res aliter se habet; nam sexum tantum & naturam denotat ea vox priore loco, ut & alias saepe, & ad integras vietiataque feminas ex æquo congruit. *Naturale vocabulum est femina*, inquit Tertullianus: *naturalis vocabuli generale mulier: generalis etiam speciale virgo, vel nupta, vel vidua, vel quod etiam etatis nomina accedunt*. Quorum hac sententia est, dictiōnem *Femina*, *hominum & brutorum esse communem*; dictiōnem *Mulier*, *generalem esse*, & ad virgines, nuptias, & viduas pertinere. Quod probat subinde ex his secundi capituli Genesios: *Et edificavit Dominus Deus eostam, quam tulerat de Adam, in mulierem, & adduxit eam ad Adam*. Illic enim Eva mulier appellatur, Ebraice נָשׁ, Græce γυνὴ, priusquam Adamo traderetur. Probat & ex Gabrieli salutatione; nam cum conceptum Mariae & partum salva virginitate sponderet, ait nihilominus, *Benedicta tu in mulieribus*. Observatum est etiam Grammaticorum filii, Græcam vocem γυνὴ, ut & Latinam mulier, naturam simpliciter nonnumquam significare. Utrumque vocabuli intellectum optime distinxit, ut reliquos raseam, Eustathius, cum alibi, tum præcipue in hunc versum Odyssæ, è Rhapodia χ.

διμοσίων δὲ γυναικῶν πρόσωπαζεῖται βίαιος,
ἀντεῖ τε ζώοντος γυναικὸς γυναικα.

Cum mulieribus autem ancillis vi concubebatis,

Meique viventis ambiebatis mulierem.

γυναικες, inquit, σύνεσθαι θυσοι, κατὰ τὸ φύσιον σημαντόμονον δὲ γυναικός, οὗτον διῆλατι ἀρθεσθαι εἰδέχεται διότι τοῦ πανταδέδει γυναικά, τίνος ὑπὸ αὐτοῦ λέγεται. *Mulieres ancillas* dicit, juxta id quod natura significat *Mulier*; nempe, *homines feminas*. Continuo autem *subiungens*, *Ambiebatis mulierem*, eam notat que est sub viri potestate. *Mulierem* vero Plautus vocat in Cœruleone, quam proxime *virginem* dixerat. Et in Poenulo sic filias suas virgines Hanno compellat: *Advertite animam, mulieres*. Cicero in oratione De prætura urbana, Philodami Lampacen filiam, quæ cum patre habitabat, propterea quod virum non haberet, mulierem sep̄ius appellat. Ulpianus quoque Jurisconsultus libro quadragesimo quarto ad Sabinum ait *Mulieres omnes dici, quæcumque sexus feminini sunt*: & libro primo ad edictum Aëdilium Curulium, eam quæ propter corporis vitium mulier fieri non possit, *Mulierem* tamen appellat.

VII. Nec incaſtagat dimittemus Johannii Bodini calumniam, qui in quinto libro De abditiis rerum sublimium arcans, ex Judæi persona, duo priora Luke capi.

Ccc ij

Orig. Tract. 16.
in Matth.
Basil. De hum.
Christi genit.

Ebr. 7. 13, 14.

argumenta
Adversario-
rum.
Primum ar-
gumentum.
Gal. 4. 4.
1. Cor. 7. 34.
Tert. De virg.
vcland. c. 4.

Plaut. Cœruleo,
Act. 1. Sc. 3.
v. 64, 69.
Plaut. Poen.,
Act. 5. Sc. 4.
v. 81.
L. Argumento.
D. De aucto le-
gato.
L. Quæritur. D.
De abdito
edicto.

Secundum
argumentum.